

SVEIO KONTROLL- OG KVALITETSUTVAL

PROTOKOLL

Måndag **17. februar 2025** blei det halde møte i Sveio kontroll- og kvalitetsutval under leiing av utvalsleiar Kjartan Moe Hustvedt.

MØTESTAD:	Sveio kommunehus, kommunestyresalen
MØTESTART/SLUTT:	Kl. 14.00 – 15.15
MØTANDE MEDLEMMER:	Kjartan Moe Hustvedt (MDG), Ole Johan Sveen (TvF), Per S. Wathne (Krf), Marit Elise Lier (Ap) og Andreas Bårtvedt (H)
MØTANDE VARAMEDLEMMER:	Ingen
FORFALL:	Ingen
FRÅ SEKRETARIATET MØTTE:	Dagleg leiar/utvalssekretær Odd Gunnar Høie, Haugaland Kontrollutvalgssekretariat IKS
FRÅ ROGALAND REVISJON:	Forvaltningsrevisorane Kristine Hernes og Håvard Aarvik-Hansen
FRÅ ADMINISTRASJONEN:	Rådmann Jostein Førre Kommunalsjef helse og omsorg Ingunn Toft i sak 2
ANDRE SOM MØTTE:	Ingen
MERKNADER TIL INNKALLING:	Ingen
MERKNADER TIL SAKLISTEN:	Ingen

FØLGJANDE SAKER BLEI HANDSAMA

SAK 01/25 GODKJENNING AV PROTOKOLL FRÅ MØTE 11.11.24

Sekretariatet sitt framlegg til vedtak:

Protokoll frå møtet i Sveio kontroll- og kvalitetsutval 11.11.24 blir godkjent slik han ligg føre.

Handsaming i kontroll- og kvalitetsutvalet 17.02.25:

Utvalet hadde ingen merknader.

Samrøystes vedtak i kontroll- og kvalitetsutvalet 17.02.25:

Protokoll frå møtet i Sveio kontroll- og kvalitetsutval 11.11.24 blir godkjent slik han ligg føre.

SAK 02/25 ORIENTERING OM «HELSE OG OMSORG» V/KOMMUNALSJEF

Sekretariatet sitt framlegg til vedtak:

Sveio kontroll- og kvalitetsutval tek kommunalsjef helse og omsorg Ingunn Toft si utgreiing om sitt arbeids- og ansvarsområde til orientering.

Handsaming i kontroll- og kvalitetsutvalet 17.02.25:

Kommunalsjef for helse og omsorg Ingunn Toft viste ein presentasjon og orienterte. Ho viste eit organisasjonskart og gjorde greie for dei fem einingane og deira ansvarsområder. Einingane er barnevern, NAV inkludert flyktning, habilitering, helse og rehabilitering, pleie og omsorg.

Kommunalsjefen viste også til den pågåande forvaltningsrevisjonen om «tildeling av helse- og omsorgstenester» og problemstillingane som skal svaras ut i rapporten.

Medlemmene fekk svar på spørsmål om mellom anna oppfølging av dei som fell utanfor systema, plassering av nye bustadar, lovpålagde tenester i barnevernet og framtidens behov for sjukeheimplassar.

Leiar takka for ei god og interessant orientering.

Samrøystes vedtak i kontroll- og kvalitetsutvalet 17.02.25:

Sveio kontroll- og kvalitetsutval tek kommunalsjef helse og omsorg Ingunn Toft si utgreiing om sitt arbeids- og ansvarsområde til orientering.

SAK 03/25 FORVALTNINGSREVISJONSRAPPORT – «PLAN OG BYGGESAK»

Sekretariatet sitt framlegg til vedtak:

1. Sveio kommunestyre har merka seg det som kjem fram i Rogaland Revisjon sin rapport «Plan og byggesak» og tek denne til orientering.
2. Rapporten vert sendt til rådmannen for vidare oppfølging av rapporten sine 7 tilrådingar.
3. Rådmannen gir tilbakemelding til kommunestyret via kontroll- og kvalitetsutvalet om oppfølging av rapporten innan 9 månader etter at kommunestyret har gjort sitt vedtak.

Handsaming i kontroll- og kvalitetsutvalet 17.02.25:

Forvaltningsrevisor Håvard Aarvik-Hansen viste ein presentasjon og gjorde greie for rapporten. Han gjorde greie for føremål, problemstillingar og metode. Vidare så gjorde han greie for hovudfunna i rapporten og dei tri enkeltsakene som revisor hadde sett på, inkludert saken i Førde.

Revisjonen sitt hovudinstrykk var at avdelinga for byggsaker hadde gode system og rutinar, men hadde utifrå si vurdering formulert sju tilrådingar til kommunen.

Medlemmene, rådmann og ordførar kommenterte rapporten. Rådmannen opplyste at kommunen hadde tatt ekstrakostnadene i samband med den konkrete saka i Førde. Han meinte det var viktig å ta lærdom frå denne saka.

Utvalet slutta seg til innstillinga og ønskte ei tilbakemelding frå rådmannen om ni månader.

Leiar takka forvaltningsrevisor for presentasjonen og ein interessant rapport.

Samrøystes vedtak i kontroll- og kvalitetsutvalet 17.02.25 og innstilling til kommunestyret:

- 1. Sveio kommunestyre har merka seg det som kjem fram i Rogaland Revisjon sin rapport «Plan og byggesak» og tek denne til orientering.*
- 2. Rapporten vert sendt til rådmannen for vidare oppfølging av rapporten sine 7 tilrådingar.*
- 3. Rådmannen gir tilbakemelding til kommunestyret via kontroll- og kvalitetsutvalet om oppfølging av rapporten innan 9 månader etter at kommunestyret har gjort sitt vedtak.*

SAK 04/25 SVEIO KONTROLL- OG KVALITETSUTVAL - ÅRSMELDING 2024

Sekretariatet sitt framlegg til vedtak:

Sveio kontroll- og kvalitetsutval godkjenner årsmelding for 2024 slik den ligg føre (med evt. endringar/tillegg).

Innstilling til kommunestyret:

Sveio kommunestyre tek kontroll- og kvalitetsutvalet si årsmelding 2024 til orientering.

Handsaming i kontroll- og kvalitetsutvalet 17.02.25:

Leiar gjorde kort greie for saka. Utvalet hadde ingen merknader og slutta seg til innstillinga.

Samrøystes vedtak i kontroll- og kvalitetsutvalet 17.02.25:

Sveio kontroll- og kvalitetsutval godkjenner årsmelding for 2024 slik den ligg føre.

Innstilling til kommunestyret:

Sveio kommunestyre tek kontroll- og kvalitetsutvalet si årsmelding 2024 til orientering.

SAK 05/25 REFERAT- OG ORIENTERINGSSAKER

1. Statusrapport pr. februar 2025
2. Tertialrapport pr. 31.12.24 frå Rogaland Revisjon IKS
3. Invitasjon til FKT sin fagkonferanse på Gardermoen 3. – 4. juni 2025
4. Informasjon om statlege tilsyn i 2025 – frå Statsforvaltaren i Vestland

Handsaming i kontroll- og kvalitetsutvalet 17.02.25:

Leiar og sekretær kommenterte referatsakene. Medlemmer som ønskjer å reise på FKT-konferansen melder frå til sekretariatet.

Utvalet hadde ingen særskilte merknader til referatsakene.

Samrøystes vedtak i kontroll- og kvalitetsutvalet 17.02.25:

Sveio kontroll- og kvalitetsutval tar referatsakene 1 – 4 til orientering.

Møte nr. 1/25

YMSE

Ingen saker blei meldt eller tatt opp.

Neste møte: måndag 19.05.25, kl. 14.00

Saker: orientering frå økonomiavdelinga, årsrekneskapen for 2024 og forenkla etterlevingskontroll.

Sveio/Aksdal, 17.02.25

Kjartan Moe Hustvedt
Utvalsleiar

Odd Gunnar Høie
Utvalssekretær